


KOKSNO - HEMIJSKI KOMBINAT d.d.
ZA PROIZVODNJU KOKSA, HEMIJSKIH PROIZVODA I ENERGIJE
LUKAVAC

Željeznička br.1 75300 Lukavac, Bosna i Hercegovina

IDB:209465980002, Poreska uprava FBiH, Kantonalni ured Tuzla
Broj rješenja. U/I-955/05 Društvo je upisano u kantonalnom sudu u Tuzli



TROGODIŠNJI PLAN POSLOVANJA

Već je prošao I kvartal 2014.god. u kojoj kao **primarnu zadaću**, KOKSNO HEMIJSKI KOMBINAT DD ima nekoliko aktivnosti, kako bi očuvao svoju opstojnost a primarno I sačuvati većinu svoje imovine koja je u sastavu zajedničkog privrednog društva **“GIKIL” d.o.o. Lukavac.**

- U KHK DD se mora zaustaviti trend gubitka u poslovanju, na način da se kao prvi potez, smanji broj zaposlenih na broj koji se može samofinansirati a to je po mom mišljenju maksimalno 3+1 radnik. KHK nema proizvodnju, zadatak mu je da “postoji kao suvlasnik, suosnivač “GIKIL-a” . Svi radnici koji su zasnovali radni odnos prije osnivanja “GIKIL-a” su radnici KHK I za njih KHK obračunava I ovjerava **beneficirani staž**, koji su eventualno ostvarili do 1991.god. Takođe zadaća radnika KHK je da svim radnicima (a 99% je takvih), prilikom odlaska u penziju izda potvrdu I uplati razliku Doprinosu koja se pojavi prilikom završnog sravnjenja dokumentacije za PIO. Osim toga KOKSNO HEMIJSKI KOMBINAT DD ima imovinu van “GIKIL-a” koja po sudskim dokumentima iznosi nešto više od 11.000.000,00 KM. Sem imovine ima I obaveze kako prema Poreznoj upravi Federacije BiH, tako I prema pravnim I fizičkim licima. I navedeni razlozi su razlog zašto mislim da je dovoljan navedeni broj radnika.
- Kao prihod KHK DD može se navesti jedino **zakup za iznajmljene prostorije “GIKIL-u”** u visini od 5.616,00 KM. Kada se odbije PDV na taj zakup koji iznosi 816,00 KM za raspolaganje KHK-u ostaje 4.800,00 KM. Do Oktobra mjeseca 2013.god. imali smo na raspolaganju I mogućnost prikupljanja I prodaje sekundarnih sirovina, starog željeza I cigle, međutim od tog perioda I to nam je uskraćeno. Kao razlog zašto nam uskraćuju to pravo navodi se da je sva imovina osim koksnih baterija I, II, III I IV, kao I neupotrebljivih površina, preknjižana na “GIKIL”, temeljem Ugovora o pristupanju, što nije istina. Ali trenutno stanje je tako I ja se povinujem onom što “kažu knjige”
- Sledeće u redu prioriteta je rješavanje dugovanja prema Poreskoj upravi. Za rješavanje tog problema ima više načina a kao dva naj bliža mogućnosti realizovanja navodim:
 1. **NAPLATITI DUG FEDERACIJE BOSNE I HERCEGOVINE PREMA KHK DD** I to 1.500.000,00 USA dolara (Vlada Bosne I Hercegovine 92 godine podigla sa računa KHK u Cirihu I za to postoji Sudska dokumentacija) I 1.200.000,00 KM dug za Namjensku industriju.
 2. **PRODATI NEPOTREBNU IMOVINU U VIDU NEKRETNINA.** U vlasništvu KHK ima nekolicina nekretnina, među kojima ističem odmaralište SVATOVAC, potom udio u INSTITUTU HEMIJE I NEMETALA u Tuzli.

- Pred Općinskim sudom u Lukavcu ima veliki broj tužbi, bivših radnika koji potražuju zaostale plate i ostala primanja iz perioda do 2010.god.i tu se skoro svakodnevno pojavljuje problem, koji trenutno uspješno rješavam na način da tužiocu povlače tužbe zbog nemogućnosti brze naplate duga.

- Na Kantonalnom sudu u Tuzli je žalba na Rješenje općinskog suda u Tuzle o prekidu predstečajnog postupka, pokrenutog protiv KHK zbog duga od 63.000,00 KM prema "MESSER TEHNOPLIN". Taj problem nije teško riješiti obzirom da postoji SPORAZUM o načinu izmirenja duga. KHK DD je na ime duga a po pomenutom SPORAZUMU uplatio 30.000,00 KM. Vlada TK je donijela ODLUKU I (mislim) obezbijedila sredstva za uplatu 3x po 11.000,00 KM na račun "MESSER TEHNOPLIN"

- Aktivno je i rješavanje problema sa "KEMOKOMPLEX"-om. Naime KHK i resorno Ministarstvo su imali višekratne pregovore sa predstavnicima KEMOKOMPLX-a i dogovoreno je: **DA SE U VISINI DUGA PO PRESUDI, KEMOKOMPLEX-u NA TERET KHK DD, USTUPI DIO VLASNIŠTVA U GIKIL-u, KOJI JE U TO VRIJEME BIO OKO 2%.** Svi smo se složili da se taj dogovor realizuje ali je problem nastao kada su predstavnici KEMOKOMPLEX-a TRAŽILI DA TAJ UDIO PRODAJU DRUGOM OSNIVAČU GIKIL-a. Samim tim KHK DD je ponudio rješenje, koje je prihvaćeno a sada je na gospodi MITTAL I vlasniku KEMOKOMPLEX-a da dovrše započeto.
- Mislim ukoliko bi se realizovali neki od ovih problema i ukoliko se **rasčiste odnosi u GIKIL-u po pitanju OBAVEZA IZ UGOVORA I DOVOĐENJA U RED IMOVINE KOJA JE ILI NIJE UNEŠENA U ZAJEDNIČKO DRUŠTVO.**

Lukavac, 11.04.2014.

VD DIREKTOR KHK DD

Hasanhodžić Zuhdija